



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XCVI. Bischof Daniel von Verden bestätigt dem heil. Geist-Kloster zu Salzwedel das Patronat über die Katharinenkirche und den Mathiasaltar daselbst, am 20. Mai 1362.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

larium extra muros Soltwedele, qualiter Illustres principes et domini Iodewicus romanus et Otto fratres, Brandenburgenses et lufacie Marchiones, Juspatronatus ecclesie sancte katherine et altaris sancti Mathei in eadem ecclesia noue ciuitatis Soltwedele, Et decanus et Capitulum in boyfter, necnon Ghertrudis et lemmeke eius frater dicti perseuale, et Thidericus portiz clericus Juspatronatus Altaris sancti Mathie in eadem ecclesia, necnon hinricus dictus portiz armiger et Mechtildis eius vxor, Johannes et hartmannus presbiteri, filii dicte Mechtildis speciales, Rodolphus et hinricus, filii hinrici portiz et mechtildis antedictorum, Juspatronatus ecclesie sancti Egidii matris in villa hennighe prope castrum clotze et Cappelle sancte marie magdalene filie site in monte ibidem in remedium animarum suarum monasterio ipsius pie, libere et perpetuis temporibus donauerunt, Ita videlicet, quod prepositus dicti Monasterii existens pro tempore prenominationis ecclesiis et altaribus per suos fratres et concanonicos possit, debeat et valeat deferuire, Saluis tamen Juribus dominorum prepositi in Soltwedele, que in ecclesia sancte katherine et in altaribus sanctorum Mathei et Mathie apostolorum, et Archidiaconi in kouelde pro tempore existencium, que in ecclesia sancti Egidii et Capella sancte marie magdalene tenuerunt, vendicauerunt et libere possederunt. Cum vero dicte donaciones de fonte pietatis iuste et legaliter processerunt, ad rogatum dicti domini prepositi ipsis donacionibus rite celebratis, et quod idem prepositus per suos fratres et concanonicos dictis ecclesiis et altaribus et Cappelle deferuire possit, Saluis tamen Juribus dominorum videlicet prepositi in soltwedele et archidiaconi in kouelde, ut est premissum, nostrum plenum consensum pariter et assensum concorditer duximus adhibendum et presentibus adhibemus Iplasque donaciones et alia premissa ratificamus et approbamus et confirmamus, quantum in nobis est auctoritate duntaxat capitulari et quantum de Jure possumus, in dei nomine in hiis scriptis. Insuper confirmacioni donacionis predictae, si qua per Reuerendum patrem dominum nostrum episcopum verdensem vel eius vicarium generalem habentem hoc in mandatis facta est vel in futurum fieri continget rationabiliter et Canonice, exnunc prout extunc capitulariter presentibus consentimus. Datum verde, Anno domini MCCCCLXII, dominica qua cantatur Oculi mei, nostro sub Sigillo.

Aus dem Copiarium des heil. Geist-Klosters zu Salzwedel fol. 31.

XCVI. Bischof Daniel von Berden bestätigt dem heil. Geist-Kloster zu Salzwedel das Patronat über die Katharinenkirche und den Mathiasaltar daselbst, am 20. Mai 1362.

Nos frater daniel, dei et apostolice sedis gracia Episcopus verdenfis, vniuersis cristifidelibus tam presentis quam futuri temporis hominibus perpetuam in vero salutari sulutem. — — — Igitur karitati omnium fidelium tam presencium quam futurorum volumus esse notum, Quod magnifici principes et domini ludowicus Romanus et Otto fratres, Brandenburgenses et lufacie Marchiones, feruore dilectionis diuine, quam ad monasterium sancti spiritus Canonicorum Regularium extra muros Soltwedel habere dinoscuntur, accedente heredum suorum et omnium quorum intererat collaudacione, de nostro beneplacito et consensu Juspatronatus Ecclesie sancte katherine et

Altaris beati Mathei in eadem ecclesia situati noue Ciuitatis Soltwedel cum dote et singulis suis prouentibus, Iuribus et pertinenciis quibuscunque ad sustentacionem eorundem Canonikorū pro remedio salutari predecessorum suorum Brandeburgensium marchionum Suorumque heredum et successorum animarum manu benefica donauerunt in perpetuum irreuocabiler possidendum. Quorum donacionem tamquam piam et rationabilem a nobis approbatam auctoritate, qua fungimur, Ratificamus et presentis scripti testimonio confirmamus, decernendoque instituimus, quod pretacta ecclesia cum altari ad memoratum monasterium cum dote et singulis suis prouentibus, iuribus et pertinenciis quibuscunque, ut premittitur, quoad temporalia et spiritualia, quoad institucionem et destitucionem debeant Saluis Iuribus prepositi in Soltwedele perpetuo pertinere, liceatque eis, preposito videlicet et Canonicis sepefatis, per suos fratres eandem ecclesiam et Altare supradictum officiare, gubernare seu regere, prout ipsis visum fuerit expedire. — — — Ad euidentiam igitur omnium prelibatorum et certitudinem, sigilli nostri appensione presentem litteram fecimus communiri. Datum in castro nostro Rodenborch, Anno domini Millesimo CCC°. Sexagesimo secundo, feria sexta proxima ante festum Ascensionis domini.

Aus dem Copiarium des h. Geist-Klosters zu Salzwedel fol. 31.

XCVII. Bischof Daniel von Verden genehmigt den Uebergang des Patronates der Egidienkirche zu Klöge und der Capelle auf dem Berge daselbst an das Kloster zum heil. Geist zu Salzwedel, am 16. August 1362.

In nomine sancte et indiuidue trinitatis. Nos frater daniel, dei et apostolice sedis gracia Episcopus verdenfis vniuersis cristifidelibus presencia visuris uel audituris salutem in virginis filio gloriose. — — — Ideo karitati omnium fidelium tam presencium quam futurorum volumus esse notum, quod famulus henricus dictus portize necnon Mechtildis honesta matrona, predicti henrici consors legitima, Johannes et hartmannus presbiteri, filii dicte mechtildis speciales, Rudolphus et hinricus, filii hinrici portize et mechtildis antedictorum, veri et legitimi patroni parrochialis ecclesie sancti Egidii in villa hennighe prope Clotzen, matris, et Capelle beate marie magdalene site in monte ibidem, filie, diuino amore accensi iuspatronatus iam dicte ecclesie de nostro beneplacito et consensu donauerunt Monasterio sancti spiritus Canonikorū Regularium prope soltwedel ad sustentacionem dominorum seu fratrum inibi deo seruientium et pro suis animabus suorumque progenitorum animarum remedio cum omnibus suis fructibus, prouentibus, offertoriis, iuribus ac pertinenciis vniuersis et cum omnibus, de quibus specialis mencio fieri potest, libere et rationabiliter perpetuo possidendum. Quorum donacionem ex eo, quod elemosine et prebende dictis dominis per quondam cristifideles assignate nimium sunt per insultus impiorum extenuate, tamquam piam et rationabilem a nobis approbatam auctoritate, qua fungimur, presentis scripti serie confirmamus, Et decernendo instituimus, quod cedente uel decedente domino wernero, nunc Rectore dictarum ecclesie et Capelle, ad prefatum monasterium sepedicta ecclesia et capella cum omnibus suis fructibus, prouentibus, offertoriis, iuribus ac pertinenciis vni-